


# Injira Yokhutsia Khu Nyasaye





©2015 World Missionary Press, Inc. Okhuchora khulukaratasi lweikulu nende Edwin B. Wallace.  
Meryl Esenwein, bali ikulu nende khu tsikaratasi 10, 12, 14, 16, 27, 29, 39, 41, 42, 44, 46, 47 nende 48.

# **NYASAYE YALONGA ESHIALO NENDE 1 EBILONJE EBILI NENDE OBULAMU**

**Haho khukhuchaaka Nyasaye yalonga likulu nende eshi-  
bala. —Genesis 1:1**

**Okhuba mumwenoyo nimwo omwa ebindu biosi bialonje-  
lwa, mwikulu khandi mushialo, ebindu ebilolekha nende  
ebindu ebiralolekha ta.... —Kolosai 1:16**

**Ikhaba yOMWAMI yibe khwinywe, OMWAMI owalonga likulu  
nende eshialo. Likulu nelikulu liOMWAMI; ne eshialo yashi-  
heesia abaana babandu. —Tsitsabuli 115:15, 16**

**Nyasaye yaelesia omundu eshialo eshilamba. Soma akhatabu  
khano mana khoolole eshiekholekha.**



**Nyasaye naboola ari Khukhole omundu khwikondo lieefwe, shinga okhufwana khweefwe; khandi baruchenje tsinyeeni etsiomunyanza, nende amanyonyi akokhwikulu, nende tsi-solo, nende eshialo shiosi....**

**—Genesis 1:26**

**OMWAMI Nyasaye nalonga omundu olufu lweliloba, nafuura-mwo mumooluke emiuyachie chiobulamu; omundu naba omwoyo\* okuli nobulamu.** –Genesis 2:7

**OMWAMI Nyasaye naboola ari Shibuli bulayi omundu uno okhuba yenyene ta; ndalamukholela omukhoonyi oumukho-yeele. OMWAMI Nyasaye naheelesia Adamu tsindoolo tsi-nyinji, nitsimuyila; mana nayinia olubafulwe lulala naka-lusiaho inyama habundu hatsana; nolubafu olwa OMWAMI Nyasaye yali nayiniye muAdamu, nalulonga omukhasi, namuleerela Adamu.** –Genesis 2:18, 21, 22

\*Omwoyo okuli nobulamu kumanyisia mbu kulimenya habundu hundi inziayo.

# ADAMU NENDE HAWA SHIBAMURIA NYASAYE Tawe



Khularechelesia omulango kwa Setani tawe.

**OMWAMI Nyasaye nabukulu omundu oyo, namura mumu-  
kunda kwaEdeni, okhukulima nokhukulinda. OMWAMI Nyasaye  
nalaka omundu oyo ari Khushia omusaala okwomumukunda,  
olie shinga olwa wenyile; ne khumusaala okwokhumanya obu-  
layi nende obubii, oraliakhwo tawe; shichila khunyanga eya  
olaliakhwo, okhuula ofwe.**

—Genesis 2:15-17

**INZOKHA EYILI LIDIMONI, KHANDI SETANI YALOA  
OBUNYALI BWA NYASAYE NEIMALA YISUNGA OBUBEYI.**

**Inzokha niyiboolela omukhasi yiri Okhufwa shimulafwa  
tawe. Nolwa omukhasi yalola omusaala nikuli omulayi khu-  
lwa ebiliibwa, khandi nikunyonya tsimoni, khandi mbu  
nomusaala okwenyekha khulwa okhuchesiasia, yabukula-  
khwo khubiamo biakwo, nalia; naheesiakhwo omusaa-  
tsawe, yesi nalia.**

—Genesis 3:4, 6

**6 ADAMU NENDE HAWA SHIBANYALILWA  
OKHUMENYA MUMUKUNDA KULIA  
KHANDI Tawe**



**Kho OMWAMI Nyasaye yamurusia mumukunda kwaEdeni, mbu alime liloba elia yarusibwamwo. Kho yeelusia omundu oyo; narahho abakerubi khulubeka lwebukwe lwomukunda kwaEdeni, khandi olumemu lwomulilo shinga olukanga olushiukhananga tsimbeka tsiosi, okhulinda injila eyitsia hamusaala kwobulamu.**  
—Genesis 3:23, 24



**YALI INYANGA YESHIBELA  
KHULWIBULO LWABANDU OLWA  
ADAMU NENDE HAWA BOONONA**

**7**



**...Shinga obwonooni olwa bweenjila mushialo khulwa omundu mulala, nende okhufwa khulwa obwonooni; nindio okhufwa khwatswanila abandu bosi....**

**—Abaroma 5:12**

**Eshiokhoyile Okhwitsulila**

**Bulimundu yebulwa nende imelo yobwononi ne inyanga yindi alifwa shichila okhufwa khwetsa khulwa eshionono.**

**8**

# **OBULOSIE BWA NYASAYE KHULWA OKHUKHUHONOKOSIA MUTSIMBI BWALI OKHUMURERA OMWANA WE MULALA**



**Ne aliibula omwana  
omusiani; nawe olimu-  
kulikha eliira mbu YESU;  
shichila niye oulihonia  
abandube okhurula mu-  
bionoono biabwe.**

**—Matsayo 1:21**

**Khulwa okhubalikha mulala khwifwe, omwana wa  
Nyasaye yetsa shinga omwana omutoro womundu.**

**Okhuba [Kristo Yesu] muye nimwo omwa obulamba bwosi  
bwObunyasaye bumenyanga eshinamubili.**

**—Abakolosai 2:9**

# **YESU NE NYASAYE — MUMUFWANO KWOMUNDU**

**9**

**Khukhuchaaka Likhuwa yalinjiho, naye likhuwa yalinji naliho halala nende Nyasaye, naye Likhuwa yalinji Nyasaye. Likhuwa oyo niyeekhola omubili, namenya mwifwe....**

**—Yohana 1:1, 14**

**Ne kano kosi keekholile mbu mana amakhuwa....Lola, omukhaana omushisila alihela inda, niyeebula omwana omusiani, ne balimukulikha eliira mbu Imanueli, eshisina mbu, Nyasaye halala nineefwe.**

**—Matsayo 1:22, 23**

**Khulweefwe omwana yeebuulwe, khuheelwe omwana omusiani; oburuchi nabwo bulabeetsanga khwibekalie, naye alakulikhwa eliira, mbu Omwibaali Wamakana, Nyasaye Wobunyali, Seefwe Wobumeli, Omukhulundu Womulembe.**

**—Isaya 9:6**

# **OMUSANGO KHWIFWE OMULAMBA**

**Oyo ouramanya obwonooni bwosi ta....** —2 Abakorinzo 5:21



**Shiyakhola eshionono  
shiosi....** —1 Petero 2:22

Kubulao omusango okwa  
omundu yakhekasiye OMULA-  
MBA okhurusiaho efionono tawe.

**Shichila shikanyalikha tawe,  
amalasile ketsisurusi naketsi-  
mbusi okhuyiniaho ebionono  
ta.** —Abaheburania 10:4

**Yesu niye likondi lia Nyasaye. Lole, Likondi liaNyasaye ngwoyo,  
ouyininjiaho obwonooni bweshialo.** —Yohana 1:29b

# **YESU YAHANA OBULAMU BUBWE MBU KHUHONIBWE**

**11**

Yesu yakhomwa khumusalaba kwomusala okhubela abandu bei-shinda shibamwenya tawe. Halali okhufwa khukhwe khwali tsiyemi tsia Nyasaye. Yesu, mukhwenya khukhwe omwene yehana obulamubwe okhuhonia ewe nende esie mutsimbi tsiefwe. Yesu nasunga ari, **Abulaho oumbuyiniakhwo, nebutswa omwene embuhaana. Endi nobunyali okhubuhaana, nendi nobunyali okhububukula khandi....**

—Yohana 10:18

## **EFWE KHUNUNULWA NENDE AMABANGA KE LIKONDI LIA NYASAYE**

Mumanyile bulayi mbu ebia mwanunulilwa, okhurula mubwi-yili bweenywe obukhaya obwa mwakaamilwa nabakuuka, shibiali ebindu ebibolanga,...nebutswa kali amatsayi akolukoosi muno, shinga akelikondi elibula eshikha kata eshiroonyelezi shiosi, niko akaKristo.


—1 Petero 1:18, 19

Kubulaho omusango kundi kunyala okhuyiniao eshionono.

**12 ...Olwa khumalile okhubasilibwa obulunjishi khulwa amabangake, shikhulashila muno okhuhonibwa muburima khululwe?**  
—Abaroma 5:9

Yesu, unzitsulile olwa oleetsa mubwamibwo.

Omwifi uno yasubilila mu Yesu mana nahonibwa.



Naye namukalusia mbu Ekhuboolela toto mbu leelo khulaba nina-we muParadiso.  
—Luka 23:43

Omwifi uno shiyasubilila mu Yesu tawe, kho nalahonibwa tawe.

**...Mbu olwa khwali nikhushili aboonooni, Kristo yakhufwila.**  
—Abaroma 5:8

**BALIA BOSI ABASUBILILILANGA  
MUMWANA WA NYASAYE  
BALI NENDE OBULAMU**

**13**

**Okhuba Nyasaye yaheela muno eshialo,  
okhuula khukhuhaana Omwanawe omutee-  
lwa, mbu omundu yesi oumusubilila ale-  
she okhutiba, ne mbu abe nobulamu bwo-  
bumeli.**

**—Yohana 3:16**

**Yakhuhonia mubwami bweshiilima, nakhuhuya nakhuleera  
mubwami bwOmwanawe omuheelwa; ne muye khunyoolela  
obununulwi\* bweefwe, nibwo obuleshelwi bwebionoono  
bieefwe.**

**—Abakolosai 1:13, 14**

**\*Okhununulwa khumanyisinjia khwakululwa ne khuchelesibwa.**



Naye malaika nakalusia nasunjila abakhasi abo ari Muraria ta; shichila emanyile mbu mukhaabanga Yesu, owabambilwe. Shiali hano ta; okhuba alamuu-she, shinga olwa yaboola. Mwitse mulole habundu ewa Omwami yayalisii-bwe. —Matsayo 28:5, 6



# **YESU YABUKHA OKURULA MUBAFU 15**

**Noubeetsangaho mwoyo; ndali omufu, ne lola, endi mwoyo ebisoni nebisoni, nendi nende ebibohololo biolumbe nende biemakombe.**

**—Obufwimbuli 1:18**

**...Ne okhuba endi mwoyo, neenyu mwesi mulaba mwoyo.**

**—Yohana 14:19**

**Okhubela Kristo yahula okhufwa khandi ali nende olufunguwo lwolufu, bulano shikhukhoyele okuria olufu tawe.**

**Olwa emba niriitsanga ndalakhwisiika.**

**—Tsitsabuli 56:3**

## **YESU ANYALA OKHUHONIA EWE KHANDI AKHUSAYILANGA**

**Habula ye ali nobukuhani oburakalukhana ta, ... Khandi ni-ko akachilanga nanyala okhubahonilia elala abo abasitanga ahambi khuNyasaye khululwe; okhuba abeetsangaho mwoyo obushia nobushia okhubasaayila.**

**—Abaheburania 7:24, 25**

# **WE NENDE ESIE KHUNYALA OKHUBA NENDE OBULAMU BWEINZIAYO**



**Ni muanda shina okwa  
olondangakhwo?**

Yesu Kristo niye INJIRA  
yokhutsia mubulamu  
BWEINZIAYO nende Nya-  
saye.

Lidimoni (Setani) niye injila  
yokhutsia OKHUFWA.

Omusiani uno yaula habwene obulamu obweinziayo.

**...Lobole leelo luno aba mwenya okhukhalabanila....**

**—Yoswa 24:15**

**...Kho lobola obulamu, obe mwoyo, iwe nolwibulolwo.**

**—Okhukalushila Mumalako Kamusa 30:19**

## **YESU NIYE INJILA YOKHUTSIA MUBULAMU BWEINZIAYO**

**Ne obuhonia shibuli muwundi yesi ta; kata libulaho  
eliira lindi hasi welikulu elia abandu baheebwa, elia  
khukhoyile okhuhonilibwamwo.**

**—Ebikhole 4:12**

**Isie omwene, nisie OMWAMI; ne abulaho omuhonia undi  
yesi ta.**

**—Isaya 43:11**

# 18 NIKHWENYA OBULAMU OBWEINZIAYO, SHICHILA SHINA NIKHWAHULA YESU?

## 1. *Kristo niye wetsa.*

...Isie ndeetsa mbu babe nende obulamu....

—Yohana 10:10



## 2. *Kristo niye owakhuhela ifwe khandi nakhufwira.*

...MuMwana waNyasaye, owa'-  
heela niyeehaana omwene khu-  
lwanje.

—Abagalatia 2:20

Yesu yekhola omundu, mumubili  
khandi mumatsayi shingana ifwe,  
mbu mana munjila yokhufwa atibie

oyo owali nali nende obunyali bwokhufwa, niye  
 Setani; khandi mbu ababoholole abo bosu abalinji  
 mumbohe tsindaalo tsiabwe tsiosi khulwa okhuria  
 okhufwa.

—Abaheburania 2:14b, 15

***3. Amatsayi ka Yesu konyene niko omusala  
 kwetsimbi tsiefwe.***

... Okhuba amalasile niko akakholanga eshitiso,  
 khulwa obulamu.

—Abalawi 17:11

... Amabanga kaYesu Omwanawe nako kakhusiiya-  
 nga khubwonooni bwosi.

—1 Yohana 1:7

Ne muye khunyoolela obununulwi bweefwe, nibwo  
 obuleshelwi bwebionoono bieefwe.

—Abakolosai 1:14



**4. Yesu niye owalamukha okhurula mubafu.**

**Nikhumanyile mbu Kristo olwa yalamusibwa okhurula mukhufwa, shialifwa khandi ta; okhufwa shikhushilikhwo nende oburuchi khuye ta.**

**—Abaroma 6:9**

**Ne yabafwila bos, mbu abali mwoyo baleshe okhu-beetsangaho mwoyo abeene bonyene ta, habula khu oyo owafwa khulwabwe nalamukha khandi.**

**—2 Abakorinzo 5:15**

**Yesu nabola, ... Ne okhuba endi mwoyo, neenyu mwesi mulaba mwoyo.**

**—Yohana 14:19**

**5. Kenyekha khube nende Roho wa Kristo kho  
khunyalilwe okhulamusibwa nikhwinjisibwa mubulamu.**

**...Kristo mwinywe, eshinoko shiobunaayi bwoluyali.**

**—Abakolosai 1:27**

**Ne Roho wa oyo owalamusia Yesu mukhufwa naba  
namenya mwinywe, ye owamulamusia Kristo Yesu  
mukhufwa alaheesia emibili chieenywe chioburulanda  
chiosi obulamu khulwa Rohowe oumenyanga mwinywe.**

**—Abaroma 8:11**

**KHAKA AMANI ROHO WA KRISTO AMENYE MWIWE**

**...Ne omundu yesi ouralikhwo nende Roho waKristo  
ta, oyo shialikhwo owuwe tawe.**

**—Abaroma 8:9**



**Nabachinga  
mumakhonoke,  
nabasabila ikhabi,  
nabareetsangakhwo  
amakhono.**

—Mariko10:16

Ndamanya mbu Yesu yaheela okhuba indakano yimbilanga endio.



**Ne Yesu nabalanga mbu beetse, nasunga ari Leshe  
abaana abatiiti beetse khumubili wanje; murabakaania  
ta; okhuba obwami bwaNyasaye nobwabafwana shinga  
abo.** —Luka 18:16

**Kho kario khandi, Seenye ouli mwikulu shiachama mbu  
mulala owokhubatuutu bano akore ta.** —Matsayo 18:14

Shikatebia mbu oliwina nomba wamenya yena tawe, Yesu  
yakhuheela, khandi yakhufwila. Yesu yenyanga obuyeli bubwo wesi.  
Onyala okhumanyia. Obuheli bubwo khu Yesu khulwa okhumuhurira.

**Nimuba nimu'heela, mulahulilanga amalako kanje.**  
—Yohana 14:15

**Kata omwana yeelolosinja mubikholebie . . . .**  
—Tsinjelo 20:11

# **24 SHINGANA ONYALA OKHUNYOLA INJILA YO EITSIA KHU NYASAYE**

**1. *Fuchilila mbu oli omwononi (shiwamuhulila Nyasaye tawe).***  
Okhuba bosi bayoonoona, nibaleema okhuula khuluyali Iwa-  
Nyasaye. —Abaroma 3:23

**2. *Itsa khu Nyasaye okubirira khu Yesu Kristo.***  
Okhuba aliho Nyasaye mulala, khandi wanjila mulala hakari  
waNyasaye nende abandu, niye Kristo Yesu, naye yesi nomu-  
ndu. —1 Timotseo 2:5

**Khandi niko akachilanga [Yesu] nanyala okhubahonilia elala abo  
abasitanga ahambi khuNyasaye khululwe . . . .** —Abaheburania 7:25

**Yesu nabola, . . . Noyo owitsa khwisie shindalamusukuna elwanyi  
nahatuutu ta.** —Yohana 6:37

### 3. Wikalukhasie okhurula mutsimbi tsio.

(Okhwikalukhasia khumanyisia okhwibelelela okhunji mana oleshe okhwonana.)

**Kho mwikalukhasie, nimushiukhana, mbu ebionoono bieenywe bisiliisibwe....**


—Ebikhole 3:19

**Omwami... ne amwisimilisilinja inywe, nareenya mbu omundu yesi atibe ta, habula mbu bosi boole khubwikalukhasii.**

—2 Petero 3:9

**4. Wikalukhasie ebienono bibio khu Yesu.**

(Okhwikanila khumanyisia mbu okhumbolela nomba okhumwiyamila.)



**26** Khu tsinyali tsilondakhwo khandika olubaso 1 Yohana 1:9 olunyo-lekhanga khu amaknono kasayanga khulukaratasi namba 25.

---

---

---

---


**5. *Oleshe ebionono bio.***

(Okhulekha khumanyisia mbu osilile elala nomba shiolatsililila nafio tawe.)

**Oufuunikhanga obwonoobwe shialakaasa ta; ne oubwiya-manga nabulekha alabeelwa tsimbabasi.** —Tsinjelo 28:13

**Wihaanye okhurula khububii, okhollenje obulayi....** —Tsitsabuli 37:27

## 6. *Musubilile Yesu Kristo.*



**Okhuba noba norumbula  
ebulafu nende omunwakwo  
shinga Yesu olwa ali ye  
Omwami, nende okhusuubila  
mumwoyokwo shinga Nyasaye  
olwa yamulamusia mukhufwa,  
olahonibwa. —Abaroma 10:9**

**Okhuba mwahonibwa khu-  
lwa obukoosia, munjila  
yobusuubili;... neshihaa-  
nwa shiaNyasaye.**

**—Abaefeso 2:8**

**Nabo nibakalusia mbu Suu-  
bilila Omwami Yesu, kho ola-  
honibwa, iwe omwene nende  
abeinzuyo bosi. —Ebikhole 16:31**

## 28 7. Injisia Yesu Kristo mumwoyokwo nende mubulamubwo.

Niwe wenyene ounyala okhwikula omuliango kwomwoyo kwo mana omwinjisie Yesu mubulamu bubwo. Yesu nabola, **Lola, esinjiile khumuliango nikhong'onda; omundu yesi naba nahulila omwoyo kwanye, niyeekula omuliango, ndaleenjilamwo, nindia ninaye ebiliibwa, naye ninasi.**

—Obufwimbuli 3:20

**Ne bosi abamwinjisia, yaba-heelesia obunyali okhwikhola abaana baNyasaye, mbu abo abasuubilila eliiralie.**

—Yohana 1:12



Kakhaba oshili okhusaya khwo tawe mana wenyanga obukho-ny i mumasayo, onyala okhukalushila mubulosie bwamasayo kalondakhwo ori nanwa:



**Oh! Omwami Yesu,**

**Oriomuno okhufwila khu musalaba  
mana neumbiniakho ebionono bianje.  
Ndibelela khukeshisinyo kendakhola.  
Ekhusaba mbu nochama winjile mu-  
mwoyo kwanje mana omenyemwo  
tsinyanga tsiosi. Ekhusubilila isayino  
mbu osiye omwoyo kwanje kube omwe-  
leleshe ekhubukula ewe obe omuhonia  
khandi omwami wanje.**

**Mulira lia Yesu, Amina.**

## **30 NOLI NENDE YESU MUMWOYOKWO, OLI NENDE OBULAMU OBWEINZIAYO**

**...Nyasaye yakhuheesia obulamu bwobumeli; nabwo obulamu obwo buli muMwanawe. Ouli nende Omwana ali nende obulamu tsana....**  
—1 Yohana 5:11, 12

**...Emusunjila mbu ouhulila likhuwa lianje, nasuubilila omwe-noyo owaruma...nebutswa amalile okhubira okhurula mukhu-fwa okhwinjila mubulamu.**  
—Yohana 5:24

**Kata nofwa mumubili, mumwoyo oli nende Omwami (2 Abakorinzo 5:8).**

**...Kristo mwinywe, eshinoko shiobunaayi bwoluyali.**  
—Abakolosai 1:27


**Kakhaba orebile Yesu akhuleshele tsimbi tsitsio mana omusubilile shinga omuhonia wuwo. Handika elira lilio hano:**

---



# SHINGA ONYALA OKHUTSILILILA NENDE YESU

31



Soma Tsimbaso okhurula mundakano (Likhuwa lia Nyasaye) buli nyanga mana otsibishe mumwoyo, otsihililisinjie khulwa tsilakhukhonya. (Tsinyinji tsili mukataabu khana.)

**Buli lihandiiko elia Nyasaye yaheelamwo omuuyakwe likaa-silanga obwechesii, nobukondesheli, nobukololosii, nobwibaali obuchooma khubulunjishi.**

—2 Timotseo 3:16

# BOLA NENDE YESU MUMASAYO ESHISE SHIOSISHIOSI



***Khupila Yesu*** orio khumalayi kosi mubulamu bwo ***mwitsomie*** khukayakhu-kholela nende okhuhonia omwoyokwo. ***Saya khushiosi eshiawenya***, saya mulira lia Yesu.

...Mbu nikhuba nikhusaba likhuwa liosi eliwinjana nende aka ye yeenya, akhuhulilanga. —1 Yohana 5:14

...Nimusaayilana.... —Yakobo 5:16

Nasi emusunjila mbu Heelenje abasuku beenywe, nimubasaayila abamusakania. —Matsayo 5:44

# **LISALA LIA YESU YECHESIA ABEECHI BEBE**

**33**

(Omwechi ne omulondi wa Yesu.)

Yesu yabolela abeechibe basaaye bari nanwa:

**Mbu E Seefwe, ouli mwikulu, Eliiradio liriibwe.  
Obwamibwo bwitse. Aka wenya keekhole mushialo,  
shinga olwa keekholanga mwikulu. Okhuheesie  
leelo ebiliibwa bieefwe bialeelo. Nokhuleshela ama-  
kobi keefwe, shinga ifwe olwa khubalesheelee abee-  
kobi beefwe. Norakhuyila mukhuteemwa ta, ne  
okhuhonie mububii. Okhuba obwami, nende obu-  
nyali, nende oluyali, nebibio, ebisoni nebisoni.**

**Amina.**

**—Matsayo 6:9-13**

Lino nelisaaya likhooyile okhuyililisibungwa. Abasubila bama-  
langu balisaaya nende omwoyo kweikulu.

**AMALAKO KA NYASAYE  
EKHUMI KAKWECHESIA  
NGALA KHUNYALA OKHUMENYA**

(Okhurula Isula ya 20)

*Akambeli kane kasunga khubuheeli bwefwe khu Nyasaye*

1. Orabeetsanga nende nyasaye undi ta, habula isie sienyene.
2. Oreekholela eshifwanani eshibaatsa, kata obukondo bweshindu shiosi eshili; ...orabiinamilanga kata okhubikhalabanila ta.
3. Orarumbulanga butswa eliira liOMWAMI Nyasayewo ta.
4. Yitsulilanga inyanga yeisabato, okhuchiahulanga.

*Akamalilisia kasasaba kasunga khubuheeli bwefwe khu mundu*

**5. Heelesinjia so nende mawo oluyali.**

**6. Oreera omundu ta.**

**7. Oraheya ta.** (Obuyeyi nobuyilani bwo omukhasi nomba omusatsa wulali omwisikwa tawe.)

**8. Oreeba ta.**

**9. Orachiikha owashio ta.**

**10. Orakhaayilwa inzu...owashio ali ninashio tawe.**

## **OKHUHULIRA NYASAYE KHULERANGA AMAKALUSIO AKA AMASAYO KEFWE**

**Ne eshia khusaba shiosi khunyoolanga khuye, okhuba khuhulilanga amalakoke, nikhukholanga ako aka achama.**

**—1 Yohana 3:22**

## **36      AMALAKO KABILI AMAKHULUNDU**

### ***Obuheli khulwa Nyasaye***

**1. Naye namuboolela mbu Omuheelenje Omwami Nyasayewo nende omwoyokwo kwosi, neshiimoshio shiosi, nobuyililisiibwo bwosi. Lino nilio lilako likhongo khandi neliambeli.**

**—Matsayo 22:37, 38**

### ***Obuheli khulwa Omundu***

**2. Nelindi eliakhabili, elifwanana ninalio, ndielino, mbu Oheelenje owashio shinga olwa wiheela omwene.**

**—Matsayo 22:39**

**Amalako ekhumi (lwa 34-35) kosi kaamba-sibwa mumalako amakhulundu kabili.**



# **OBUHEELI NILIO LIKHULUNDU KHU KOSI 37**

## **Likhulundu “Isula Yobuheeli”**

**(1 Abakorinzo 13:1-8, 13)**

**<sup>1</sup>Ne bulaano enzitsa okhumumanyia injila eyishila obulayi. Kata nimba nimboolela mutsinimi tsiabandu netsiabama-laika, ne nimbula obuheeli, endi butswa shinga omukasa okulanjilila, kata ebisili ebisaala. <sup>2</sup>Ne kata nindi neshihaanwa shiobulakusi, ningamanya amabiso kosi nende obumanyi bwosi; kata nindi nobusuubili bwosi, obwakhanyala okhusitia tsingulu, ne nimbula obuheeli, shindi eshindu ta. <sup>3</sup>Ne kata ningabila abatakha emiandu chianje chiosi banyoole eshio-khulia, nende okhuhaana omubili kwanje kusambwe mumu-lilo, ne nimbula obuheeli, shikungaasila eshindu ta. <sup>4</sup>Obuheeli bwisimilisinjia, nibukhola akeshisa; obuheeli bubula imbalikha; obuheeli shibwiboola ta, shibwichinjimisia ta,**

**38** <sup>5</sup>shibukhola akarakhoyeele ta, shibukhaabanga akabwo obwene ta, shibusinyikhanga ta, shibwitsulilanga amabii aka bukholelwa tawe; <sup>6</sup>shibwikhoyela obumayaanu ta, ne bwikhoyelanga obwatoto; <sup>7</sup>bwifwila kosi, busuubila kosi, bunaaya kosi, buralila mukosi. <sup>8</sup>Obuheeli shibuhweelelelanga ta; ne kata obulakusi nibuliho, bwitsa okhwakama; kata tsinimi nitsiliho, tsiitsa okhuhwaho; kata obumanyi nibuliho, bwitsa okhwakama.

<sup>13</sup>Kho akatsiilililanga ngakano, mbu obusuubili, obunaayi, obuheeli, ako kataru; ne khuko, elishila kosi nobuheeli.


### **NYASAYE NOBUHEELI**

...Nyasaye niye obuheeli; ne oumenyanga mubuheeli amenyanga muNyasaye, naye Nyasaye amenyanga muye.

—1 Yohana 4:16



# YESU AKHWENYANGA MBU OBOLELE 39 ABANDU AKOBULELI



(mwitokho, mwisomelo,  
muhekalu, habundu hosi-  
hosi)

Yesu nabola, **Ne namusu-  
njila ari Winyoshe otsie  
ebunanzuwo, khubandu  
beweenywe, obaboolele  
amakuwa aka Omwami  
yakhukholeele shinga  
olwa kali amakhongo,  
khandi shinga olwa akhu-  
beeleele tsimbabasi.**

—Mariko 5:19

# NGALA ONYALA OKUMANYA OMWANA OMWISIKWA WA NYASAYE

Khwikhuwa lino abanbu bosi balamanyilakhwo shinga olwa muli abeechi banje, nimuba nimuli nobuheeli abeene khubeene.

—Yohana 13:35

Ne ebiamo biaRoho mbiebino; mbu obuheeli, obusangaafu, omulembe, obwifwili, eshisa, obulayi, obwisiikwa, obuholo, obwiruchi....

—Abagalatia 5:22, 23

## OMWANA OMWISIKWA WA NYASAYE ALESHELINGA ABASHIE


Shichila nimuba nimubaleshela abandu obuyiiri bwabwe, Seenywe owomwikulu naye alamuleshela inywe.

—Matsayo 6:14

## AKESHISINYO KHU NYASAYE

Mbu obuhenji bweisunga, olulimi olubeeyi, namakhono aka-raatsinja amabanga kababula eshiuku; omwoyo okurechekhanganga amayililisio amamayaanu, nebilenje ebianguhanga okhwilushila amabii; omuloli omubeeyi ouboolanga akobubeeyi, nende oyo oumiitsanga inzoka mubeebulani.

—Tsinjelo 6:17-19



**Litunda  
lia Roho**

**Ikhola  
ye  
shinamubili**

## **IKHOLA YE SHINAMUBILI: 41**

...Biene mbiebino, mbu obu-  
heyi,...obwinamili bwebifwanani  
biabutswa, obufila, obusuku,...  
oburima, obuyingani, obukabu-  
khani, emiahukho, imbalikha,  
obumeesi, obulangu,...mbu aba-  
kholanga akafwana kario shibalilia  
obulaame bwobwami bwaNyasaye  
ta.

—Abagalatia 5:19-21


...Kata abatanyana,...kata aba-  
langukhu, kata abameesi....

—1 Abakorinzo 6:9, 10

## **LEKHA YESU AKHWITSUSIEMWO ROHO WUWE MANA OBE OMWELELESHE**

Ne abandi khwinywe mwalinji murio; ne inywe mwoosibwa, khandi  
mwaahulwa,...liOmwami Yesu Kristo, khandi muRoho waNyasaye  
weefwe.

—1 Abakorinzo 6:11



**(Soma Luka 16:19-26.)**

Khaka amani khukhumu-subilila Yesu Kristo khulwa alaandika eliira lilio mushi-taabu shiobulamu.

**Kata omundu yesi  
ouranyoolekha niyaha-  
ndiikwa mushitabu  
shiobulamu ta, yesi  
yasukunwa munyanza  
yomulilo.**

—Obufwimbuli 20:15

# **YESU NIYE YINJILA YOKHUTSIA KHU NYASAYE**

**43**

**...Nyasaye yakhuheelesia obulamu bwobumeli; nabwo obulamu obwo buli muMwanawe. —1 Yohana 5:11**

**Okhuba omushaara kwobwonooni nokhufwa; ne eshihaanwa shiaNyasaye nobulamu bwobumeli muKristo Yesu Omwami weefwe. —Abaroma 6:23**

**Ousuubililanga Omwana ali nende obulamu bwobumeli; ne ouramuhulila Omwana ta shialalolakhwo obulamu tawe, ne oburima bwaNyasaye buba khuye. —Yohana 3:36**

**Yesu namuboolela mbu Isie nisie injila, khandi obwatoto, khandi obulamu. Abulaho owitsila Papa narabirila khwisie ta. —Yohana 14:6**



Mubufwimbuli 21 Yohana yalola mumalolelo likulu liyakha nende eshialo eshiyakha.

**Aleeya amasika kosi mumoni tsiabwe; kata okhufwa shikhulabaho khandi ta; kata shikhulabaho okhwikhuula, kata okhulila, kata okhusaalila khandi tawe; ako akaranjilila kahweele. Ne owali niyeekhaale khushifumbi shioburuchi niyaboola, ari Lola, engalula biosi bibe ebiya....**

—Obufwimbuli 21:4, 5

Khandi nalola litookho litakatifu, Yerusalemu Imbiakha neyikhanga okhurula mwikulu ewa Nyasaye. ...**Nalio litookho liali lieitsahaabu inzeleleshe, shinga eshi-**

**hoo eshieleshe. Amachina komuse kwolukoba lwelitookho kali ni-kang'oonelwa amachina kobukusi obutinyu, tsimbia tsiako tsiosi....**

—Obufwimbuli 21:18, 19

# **YESU YATSIA OKHUKASILIA ABAMUSUBILILA HABUNDU**

**45**

**Omwoyo kweenywe kuleshe okhubeeyabeeya ta; musuubililanga Nyasaye, musuubilile isie siesi. Munzu yaPapa mulimwo ebimenyo ebinji; nikaba nikarabeele kario ta, khane ndakhamubooleele; okhuba enzia okhumukasilia habundu. Ne nimba ninzia nimukasilia habundu, ndaleetsa khandi nimwinjisia ewanje, mbu ewa endi isie, nineenywe mwesi mubeho.**

**—Yohana 14:1-3**

## **OBILE KHWO ABANDU AMAKHUWA AMALAYI KANO**

**Yesu nabola, Mana nabasunjila ari Mutsie mubialo biosi pe, nimwilwatsila ebilonje biosi Injiili.**

**—Mariko 16:15**

**...Ne amahababa kabukula obulamu bwabandu.**

**—Tsinjelo 11:30**

## 46 AKA NYASAYE ALACHILISIA ABAANA BEEBE

...Kata okhukhwibala nahatuutu ta. —Abaheburania 13:5

Shichila alalachilisia abamalaikabe khukoko, okhukhulinda  
munjilatsio tsiosi. —Tsitsabuli 91:11

...Ne abulaho ounyala okhukarimula  
mumukhono kwaPapa ta. —Yohana 10:29

...Endiho nineenywe halala tsindaalo  
tsiosi, kata okhuula khushiyesi shie-  
shise shino. —Matsayo 28:20

Oraria aka oli ahambi okhusaali-  
silibwa ta;...Obeetsenje omwisii-  
kwa okhuula khukhufwa, kho nda-  
lakhuelesia olusimbi lwobula-  
mu. —Obufwimbuli 2:10

Ari Uhaabile, nasi ndalakhukalu-  
siamwo.... —Yeremia 33:3





Buli mundu alilamusibwa okhurula mubafu.

... Okhuba eshise shiitsanga olwa bosi abali mubilindwa balahulila omwoyokwe, nibarulamwo; abo abakholanga obulayi balarulila obulamushi bwobulamu; nabo abakholanga obubii balarulila obulamushi bwobukhalakwi.

—Yohana 5:28, 29



*Abafwila mu Kristo bali ranjilila okhulamukha.*

Mana ifwe ababa nikhushiliho mwoyo khulakaamwa ninabo halala mumaleesi, okhwakaana nOmwami mulwanga; mana khurio khulabeetsanga nOmwami tsindaalo tsiosi.

—1 Abatsalonika 4:17

... Nimuba meeso, [musaayenje]; shichila shimumanyile induukho olwa yiliula ta.

—Mariko 13:33



**Lole, yeetsa namaleesi; ne buli imoni yilamulola....**  
 —Obufwimbuli 1:7

Obe meso khulwa kristo bobubeyi nende abaanabi bobubeyi. **Mundaalo etsio omundu naba namusunjila ari Lole, Kristo ngwowuno; kata mbu Ngwowulia; murafuchiilila ta. Kho nibaba nibamusunjila bari Lole, ali mushitsiimi; murarula tawe; bari Lole, ali munzu mukari; murafuchiilila ta.**

—Matsayo 24:23, 26

### **YESU ALIITSA LWANGU MUMALESI**

**...Mana tsimbua tsiosi tsiabomushialo tsiliikhuula, ne balilola Omwana wOmundu niyeetsa mumaleesi akomwikulu nende obunyali noluyali olunji.**

—Matsayo 24:30

# ITSABULI YOMWAYI

(Tsitsabuli 23)

<sup>1</sup>**OMWAMI niye omwayi wanje; shindalatamba eshindu shiosi ta.** <sup>2</sup>Yangoninja mubwayilo bwomuboka omulayi; yanzayilanga hamatsi amalenjeelu. <sup>3</sup>Yameetelanga amaani mumwoyo; yanzi-mililanga munjila tsiobulunjishi khulwa eliiralie.

<sup>4</sup>**Ne kata nimba nimbira mwibanda lieshiinikha shioluumbe shindalaria libii liosi ta; shichila endi ninawe halala; indabushiyo nende omutiichilokwo bineminja omwoyo.** <sup>5</sup>Ungasilinja imeesa imbeli wabasuku banje, unzushiililanga amafura khumurwe; eshikombe shianje shiitsuule, shisundukhanga.

<sup>6</sup>**Toto, obulayi nende obuheeli oburalilu bilalondana ninasi tsindaalo tsiosi tsiobulamu bwanje; nasi ndalamenyanga munzu yOMWAMI inziayo.**

Text reprinted from the Bible in Oluluyia copyright 1975, by permission of the United Bible Societies Africa Regional Centre, Nairobi, Kenya.

---

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)

**Shino shirakusibwa tawe**

[www.wmpress.org](http://www.wmpress.org)

7-18

2231 Luyia WTG

